

O'zbekiston Respublikasi  
Xorazm viloyati  
Bog'ot tumani  
**HOKIMI**  
**QARORI**



Ўзбекистон Республикаси  
Хоразм вилояти  
Боғот тумани  
**ҲОКИМИ**  
**ҚАРОРИ**

220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил "2" Март

№ 459 қа

Боғот шаҳарчаси

Хоразм вилояти ҳокимининг 2020 йил 28 февралдаги "Ўзбекистон Республикаси Президентининг 2020 йил 26 февралдаги "Ўзбекистон Республикаси фуқароларининг муддатли ҳарбий хизматга навбатдаги чақируви ҳамда белгиланган хизмат муддатини ўтаб бўлган ҳарбий хизматчиларни Қуролли Кучлар резервига бўшатиш тўғрисида"ги ПҚ-4618-сонли қарорининг ижроси ҳақида"ги 82қ-сонли қарори тўғрисида

Туманда "Умумий ҳарбий мажбурият ва ҳарбий хизмат тўғрисида"ги Ўзбекистон Республикаси Қонуни ва Хоразм вилояти ҳокимининг 2020 йил 28 февралдаги "Ўзбекистон Республикаси Президентининг 2019 йил 22 февралдаги "Ўзбекистон Республикаси фуқароларининг муддатли ҳарбий хизматни ўташ тартибини такомиллаштиришга оид қўшимча чора-тадбирлар тўғрисида"ги ПҚ-4203-сонли қарорининг ижроси ҳақида"ги 82қ-сонли қарорининг ижросини таъминлаш мақсадида

**Қарор қиламан:**

1. Ўзбекистон Республикаси Президентининг 2020 йил 26 февралдаги "Ўзбекистон Республикаси фуқароларининг муддатли ҳарбий хизматга навбатдаги чақируви ҳамда белгиланган хизмат муддатини ўтаб бўлган ҳарбий хизматчиларни Қуролли Кучлар резервига бўшатиш тўғрисида"ги ПҚ-4618-сонли ва бу юздан Хоразм вилояти ҳокимининг 2020 йил 28 февралдаги 82қ-сонли қарорлари раҳбарлик ва ижро учун қабул қилинсин.

2. Ўзбекистон Республикаси Президентининг ушбу қарори билан: чақирилиш муддатини кечиктириш ҳуқуқига эга бўлмаган Ўзбекистон Республикаси чақирув ёшидаги фуқаролари 2020 йилнинг март-апрель ойларида муддатли ҳарбий хизматга чақирилиши;

муддатли ҳарбий хизматни ўташга яроқли ҳамда чақирилиш муддатини кечиктириш ва чақирилишдан озод этиш ҳуқуқига эга бўлмаган, бироқ ушбу

чакирув мобайнида Қуролли Кучлар сафига чакирилмайдиган фуқаролар сафарбарлик чакируви резервга олиниши;

ҳарбий хизматнинг белгиланган муддатларини ўтаб бўлган ҳарбий хизматчилар 2020 йилнинг март-апрель ойларида Ўзбекистон Республикаси Қуролли Кучлари резервга бўшатилиши маълумот учун қабул қилинсин.

3. Туманда фуқароларни 2020 йил муддатли ҳарбий хизматга чакирувини сифатли ўтказиш мақсадида белгиланган тадбирлар режаси 1-иловага, фуқароларни 2020 йилги муддатли ҳарбий ва муқобил хизматга чакирув раҳбарият кенгаши таркиби 2-иловага, чакирув ёшидаги фуқароларнинг тиббий кўрикдан ўтказиш бўйича туман ҳарбий-тиббий комиссияси таркиби 3-иловага, чакирув давомида техник ишчи хизматчи ажратувчи корхона ва ташкилотлар рўйхати 4-иловага, чакирув давомида корхона ташкилотларнинг муҳофаа ишлари бўлимига навбатчи машина ажратиш жадвали 5-иловага мувофиқ тасдиқлансин.

4. Туман ҳокимининг биринчи ўринбосари, муҳофаа ишлари бошқармаси ҳузурида раҳбарият кенгаши раиси (С.Қурбонов), туман муҳофаа ишлари бўлими (Б.Бердибоев), туман тиббиёт бирлашмаси (А.Саидов):

жойларда бутлаш ва ҳудудий тиббий комиссияларни самарали ишлашини ташкил қилсинлар, чакирилувчиларнинг сифатли ва ҳолисона ҳудудий тиббий кўрикдан ўтказилишини, уларнинг маънавий-руҳий фазилатларини ва интеллектуал ривожланиш савиясини қонунчиликда белгиланган танловнинг ҳарбий-касбий мезонларига мувофиқ ўрганиб чиқилишини таъминласинлар;

муддатли ҳарбий хизматга кузатиш, ҳарбий хизматни ўтаб бўлган ёшларни кутиб олиш маросимлари кенг жамоатчилик, фахрийлар, Ўзбекистон Ёшлар иттифоқи туман кенгаши вакиллари, таниқли маданият ва спорт ходимлари иштирокида тантанали равишда ўтказилишини таъминласинлар.

5. Чакирилувчилар туман муҳофаа ишлари бўлими ҳудудий тиббий комиссиясидан ўтказилганидан сўнг, уларнинг соғлиги даражаси бўйича сафарбарлик чакирув резерви хизматига ўтказиш, муддатли ҳарбий хизматдан кечиктириш, соғлиги бўйича ҳарбий хизматга яроқсизлиги ва ёшлари ўтганлиги тўғрисида қарорларини қабул қилиш ҳудудий комиссиялар раисларига юклатилсин.

6. Туман муҳофаа ишлари бўлими ҳудудий тиббий комиссиясидан соғлом деб топилган чакирилувчиларни муддатли ҳарбий хизматга юбориш бўйича қарорлари бутлаш комиссиялари раислари томонидан қабул қилинсин.

7. Вилоят ҳокимининг мазкур қарори билан:  
Шаҳарлар ва туманлар ҳокимликларига:

чакирув ёшдаги фукароларнинг муддатли ҳарбий хизматга чакирилишини ташкил этиш бўйича раҳбарият кенгаши ҳамда ҳудудий комиссиялари таркибини тасдиқласин. Ҳудудий комиссиялар таркибига туман (шаҳар) ички ишлар бўлими бошлигининг ўринбосари, ҳудудий тиббий комиссияси катта шифокори ва ҳудудий комиссияси котиби киритилсин ва уларга зарур шарт-шароитлар яратган ҳолда уларнинг тўлиқ таркибида доимий ишлашини таъминлаши;

муддатли ҳарбий хизматга чакирилган фукароларни қўшинларга тантанали кузатиб қўйиш, чакирилувчиларга миллий таом ош бериш ҳамда Қуролли Кучлар резервига бўшатишган ҳарбий хизматчиларни кутиб олишни Ўзбекистон Республикаси Вазирлар Маҳкамасининг 2009 йил 14 январдаги “Фукароларни муддатли ҳарбий хизматга йиғиш ва жўнатиш, уларни ҳарбий қисмларда қабул қилиш, шунингдек, Ўзбекистон Республикаси Қуролли Кучлари резервига бўшатишган ҳарбий хизматчиларни яшаш жойларига қайтариш тартиби тўғрисида”ги 10-сонли қарорининг талабларига қатъиян мувофиқ равишда ташкил этиши;

шаҳарлар ва туманлар чакирув пунктларидаги ўқув машғулоти ва чакирилувчиларни тиббий кўрикдан ўтказиш жойларини тайёрлаш ва уларни ўз вақтида жиҳозлашни ташкил этиши;

чакирилувчиларни ҳудудий тиббий комиссия кўрикдан ўтказиш учун етарли даражада малакали, олий ёки биринчи тоифали мутахассислар, техник ходимлар ва автотранспорт ажратиш. Жалб этилган мутахассислар, техник ходимлар ва бошқаларнинг қонунда белгиланганидек иш жойларида ойлик маошлари тўлиқ сақланишини таъминлаши;

2020 йил чакирув мавсумида вилоят йиғув пунктида ҳарбий хизматга жўнатилаётган чакирилувчиларга Ўзбекистон Республикаси Мудофаа вазирлиги ҳарбий савдо ташкилотида ҳарбий хизматчилар учун махсус ишлаб чиқарилган “Қуролли Кучлар сумка”ларини эсталик совғаси сифатида берилишини таъминланаши;

шаҳарлар ва туманлар чакирув пунктларида умумий овқатланиш ва маданий ҳордиқ чиқариш шарт-шароитлари ташкил этилиши раҳбарлик ва ижро учун қабул қилинсин.

8. Туман ободонлаштириш бошқармасидан 2020 йил 1 март кунидан туман йиғув пунктига ободонлаштириш ва тозалик ишларини амалга ошириш учун 4 нафар ишчи-ҳодимларини ажратилсин.

Туман ҳокимининг биринчи ўринбосари, мудофаа ишлари бошқармаси ҳузурида раҳбарият кенгаши раиси (С.Қурбонов) йиғув пунктининг доимий фаолиятини таъминлаш мақсадида қоровул, қозонхона, ободонлаштириш ва тозалик сақлаш ишчилари штат жадвалини ишлаб чиқсин ва тасдиқласин.

9. Туман ички ишлар бўлими (А.Абдуллаев):

Ўзбекистон Республикаси “Умумий ҳарбий мажбурият ва ҳарбий хизмат тўғрисида”ги Қонунининг 45-моддасига асосан мудофаа ишлари бўлимига ўзбошимчалик қилиб, чакирувдан бўйин товлаб юрган фуқароларни қидириш ва етказиш ишларини, туман йиғилув масканидан ҳарбий хизматга жўнатилиши мўлжалланган чакирилувчиларни кузатишда жамоат тартибини ва йўл ҳаракати хавфсизлигини таъминласин;

туман йиғув пунктида жамоат тартибини сақлаш учун 2020 йил март-апрель ойларида 4 нафар ходим ажратилсин.

10. Туман тиббиёт бирлашмаси (А.Саидов):

Ўзбекистон Республикаси Мудофаа вазирлиги, Миллий гвардияси, Фавқулодда вазиятлар вазирлиги, Давлат хавфсизлик хизмати, Ички ишлар вазирлиги, Соғлиқни сақлаш вазирлигининг 2019 йил 3 апрелдаги “Ўзбекистон Республикаси Қуролли Кучларида тинчлик ва уруш даврида тиббий кўриқдан ўтказишни ташкил этиш ва амалга ошириш тартиби тўғрисидаги низомини тасдиқлаш ҳақида”ги 3147-сонли қарорига асосан чакирув участкаларини тиббий анжомлар, асбоб ускуналар билан талаб даражасида жиҳозлаш шунингдек, ҳудудий тиббий комиссияларининг самарали ишлаши, чакирилувчиларни тиббий кўриқдан сифатли ва ҳолисона ўтказилишини таъминлаш юзасидан тегишли чора-тадбирлар ишлаб чиқсин ва бажарилишини катъий назоратга олсин;

чакирилувчиларни ҳудудий тиббий комиссиялари кўриқдан талаб даражасида ўтказиш мақсадида чакирув участкаларини олий ва биринчи тоифали тиббиёт ходимлари билан таъминласин;

Туман чакирув пунктларини керакли замонавий тиббий асбоб-ускуналар (УЗИ, ФГДС, ЭКГ) ва дори-дармонлар билан етарли даражада жиҳозлаш топширилсин ва шахсан текшириб чиқилсин;

тиббий чакирув комиссияларининг ишига турли ихтисосликка эга бўлган юқори малакали шифокорлар жалб этилсин;

тиббий кўриқдан ўтказиш жараёнида касаллиги аниқланган чакирилувчи ёшларни ўз вақтида даволаш ва соғломлаштириш ишларини амалга ошириш учун туман шифохоналарида 7-10 та ётоқ-жой ажратилиши таъминлансин;

Ўзбекистон Республикаси Мудофаа вазирлиги, Миллий гвардияси, Фавқулодда вазиятлар вазирлиги, Давлат хавфсизлик хизмати, Ички ишлар вазирлиги, Соғлиқни сақлаш вазирлигининг 2019 йил 3 апрелдаги “Ўзбекистон Республикаси Қуфолли Кучларида тинчлик ва уруш даврида тиббий кўриқдан ўтказишни ташкил этиш ва амалга ошириш тартиби тўғрисидаги низомини тасдиқлаш ҳақида”ги 3147-сонли қарорига асосан туман йиғув пункти ҳарбий-тиббий комиссияси таркибига туман тиббиёт бирлашмасидан

антропометрия, отоларинголог, офтальмолог ва психиатр шифокорлари жалб этилсин ҳамда зарур дори-дармон ва асбоб ускуналар ажратилсин;

туман ҳудудий тиббий комиссиялари таркибига туман тиббиёт бирлашмасидан жаррох-катта шифокор, жаррох, терапевт, дерматовенеролог, стоматолог, офтальмолог, отоларинголог, психиатр ва невропатолог шифокорлар тайинлансин;

туман йиғув пунктига навбатчилик учун 2020 йил март-апрель ойларида 1 дона тез тиббий ёрдам автомобили ажратилсин.

11. Вилоят ҳокимининг мазкур қарори билан:

- Вилоят транспорт бошқармаси (Р.Бабаев) ҳарбий қисмларга юбориладиган чақирилувчиларни шаҳар ва туманлардан Урганч шаҳар темир йўл вокзалигача етказиб қўйиш учун вилоят мудофаа ишлари бошқармаси ҳамда туман (шаҳар) мудофаа ишлари бўлимлари билан икки томонлама тузилган шартномага асосан автотранспорт ажратилишини таъминлаши;

- Вилоят бандлик бош бошқармаси (Х.Матрасулов) шаҳарлар ва туманлар ҳокимликлари билан биргаликда Қуролли Кучлардан резервга бўшатишган фуқароларни ишга жойлаштириш чора-тадбирларини ишлаб чиқсин ва амалга оширсин, улар учун хизмат даврида эгаллаган ҳарбий ва фуқаролик мутахассисликларини ҳисобга олган ҳолда иш жойларини олдиндан тайёрлаб қўйилиши таъминлаши;

Ўзбекистон Республикаси Қуролли Кучларида муддатли ҳарбий хизматни ўтаган фуқаролар давлат муассасалари, ташкилотлари ва корхоналарига ишга қабул қилишда мардлик ва ватанпарварлик тарбиясини армия мактабини ўтаган, ҳарбий тайёргарлик кўрган ва ҳаётий тажриба орттирган, мамлакатнинг энг фаол ва тайёргарлик кўрган кадрлар захираси ҳисобланган шахслар сифатида устунлик ҳуқуқидан фойдаланиши белгилаб қўйилганлигини инобатга олиниши маълумот учун қабул қилинсин.

11. “Боғот садоси” тахририятига чақирилувчиларни муддатли ҳарбий хизматга тайёрлашнинг боришини, фуқароларни ҳарбий хизматга чақиришнинг амалга оширилишини, ҳудудий комиссиялари ишини ва Қуролли Кучлардан резервга бўшатишган ҳарбий хизматчиларни жойларда кутиб олиш бўйича тантанали тадбирлар уюштирилишини оммавий-ахборот воситаларида кенг ёритиш тавсия этилсин.

12. “Боғот туман электр таъминоти корхонаси” (Н.Қазакбоев), 6-“туманлараро газ таъминоии бўлими” Боғот ҳудуди (Р.Худошқуров) фуқароларни навбатдаги 2020 йил муддатли ҳарбий хизматга чақириш даврида туман чақирув пунктларини электр-энергия ва табиий газ билан узлуксиз таъминлансинлар.

13. Ушбу қарорнинг бажарилишини назорат қилиш туман ҳокимининг биринчи ўринбосари С.Қурбонов зиммасига юклатилсин.

Боғот тумани ҳокими



О.Холбоев